॥तैत्तिरीय ब्राह्मणम्॥

॥प्रथमः प्रश्नः॥

॥ तैत्तिरीयब्राह्मणे प्रथमाष्टके प्रथमः प्रपाठकः॥

ब्रह्म सन्धंत्तं तन्में जिन्वतम्। क्षुत्रः सन्धंत्तं तन्में जिन्वतम्। इष्ः सन्धंत्तं तां में जिन्वतम्। ऊर्ज्ः सन्धंत्तं तां में जिन्वतम्। पृष्ट्रिः सन्धंत्तं तां में जिन्वतम्। पृष्ट्रः सन्धंत्तं तां में जिन्वतम्। प्रजाः सन्धंत्तं तां में जिन्वतम्। प्रजाः सन्धंत्तं तां में जिन्वतम्। प्रशून्त्सन्धंत्तं तान्में जिन्वतम्। स्तुतोऽिस् जन्धाः। देवास्त्वां शुक्रपाः प्रणयन्तु॥१॥ स्वुतोऽिस् जन्धाः। देवास्त्वां शुक्रपाः प्रणयन्तु॥१॥ स्तुतोऽिस् जन्धाः। देवास्त्वां मन्थिपाः प्रणयन्तु। सुप्रजाः प्रजाः प्रजनयन्परीहि। मन्थी मन्थिशोचिषा। सञ्जग्मानौ दिव आपृंथिव्यायुंः। सन्धंत्तं तन्में जिन्वतम्। प्राणः सन्धंत्तं

तं में जिन्वतम्। अपान र सन्धंत्तं तं में जिन्वतम्॥२॥

व्यान सन्धंत्तं तं में जिन्वतम्। चक्षुः सन्धंत्तं तन्में

जिन्वतम्। श्रोत्र्र् सन्धंत्तं तन्में जिन्वतम्। मनः सन्धंत्तं तन्में जिन्वतम्। वाच्र् सन्धंत्तं तां में जिन्वतम्। आयुंः स्थ् आयुंर्मे धत्तम्। आयुंर्य्ज्ञायं धत्तम्। आयुंर्य्ज्ञपंतये धत्तम्। प्राणः स्थः प्राणं में धत्तम्। प्राणं युज्ञायं धत्तम्॥३॥

प्राणं यज्ञपंतये धत्तम्। चक्षुंः स्थश्चक्षुंर्मे धत्तम्। चक्षुंर्यज्ञायं धत्तम्। चक्षुंर्यज्ञपंतये धत्तम्। श्रोत्रंं स्थः श्रोत्रंं मे धत्तम्। श्रोत्रं यज्ञायं धत्तम्। श्रोत्रं यज्ञपंतये धत्तम्। तौ देवौ शुक्रामन्थिनौ। कुल्पयंतुं दैवीविशंः। कुल्पयंतुं मानुंषीः॥४॥

इष्मूर्जम्समासुं धत्तम्। प्राणान्यशुषुं। प्रजां मियं च यर्जमाने च। निरंस्तः शण्डः। निरंस्तो मर्कः। अपनृत्तौ शण्डामर्को सहामृनां। शुक्रस्यं समिदंसि। मृन्थिनः समिदंसि। स प्रथमः संकृतिर्विश्वकर्मा। स प्रथमो मित्रो वरुणो अग्निः। स प्रथमो बृह्स्पतिश्चिकित्वान्। तस्मा इन्द्रांय सुतमा जुहोमि॥५॥ न्युन्वपानः सर्थतं तं में जिन्ततं प्राणं युज्ञायं धतं मार्नुपिर्विष्टें चं॥ (ब्रह्मं क्षत्रं तदिषुमूर्जः र्विष

पुष्टिं प्रजां तां पृश्न्तान्त्सन्धंतुं तत्प्राणमंपानं व्यानं तं चक्षुः श्रोत्रं मनस्तद्वाचं ताम्। इषादिपश्चेके

वाचं तां में पुशून्त्सन्धंत्तं तान्में प्राणादित्रितंये तं मेऽन्यत्र तन्में)॥१॥————[१]

कृत्तिंकास्वृग्निमादंधीत। एतद्वा अग्नेर्नक्षेत्रम्। यत्कृत्तिंकाः। स्वायांमैवैनं देवतांयामाधायं। ब्रह्मवर्चसी भवति। मुखं वा एतन्नक्षंत्राणाम्। यत्कृत्तिंकाः। यः कृत्तिंकास्वृग्निमाधत्ते। मुख्यं एव भवति। अथो खलुं॥६॥

अग्निन्क्षत्रमित्यपंचायन्ति। गृहान् ह् दाहुंको भवति। प्रजापंती रोहिण्यामृग्निमंसृजत। तं देवा रोहिण्यामादंधत। ततो वै ते सर्वान्नोहांनरोहन्। तद्रोहिण्यै रोहिणित्वम्। यो रोहिण्यामृग्निमांधृत्ते। ऋध्नोत्येव। सर्वान्नोहांन्नोहित। देवा वै भुद्राः सन्तोऽग्निमाधित्सन्त॥७॥

तेषामनांहितोऽग्निरासींत्। अथैंभ्यो वामं वस्वपांकामत्। ते पुनर्वस्वोरादंधत। ततो वै तान् वामं वसूपावंतित। यः पुराऽभुद्रः सन्पापीयान्तस्यात्। स पुनर्वस्वोर्ग्निमादंधीत। पुनरेवैनं वामं वसूपावंतित। भुद्रो भंवति। यः कामयेत् दानकांमा मे प्रजाः स्युरितिं। स पूर्वयोः

फल्गुंन्योरग्निमादंधीत॥८॥

अर्यम्णो वा एतन्नक्षंत्रम्। यत्पूर्वे फल्गुंनी। अर्यमेति तमांहुर्यो ददांति। दानंकामा अस्मै प्रजा भंवन्ति। यः कामयेत भगी स्यामिति। स उत्तंरयोः फल्गुंन्योर्ग्निमादंधीत। भगंस्य वा एतन्नक्षंत्रम्। यदुत्तंरे फल्गुंनी। भग्येव भंवति। कालुकुआ वै नामासुंरा आसन्॥९॥

ते सुंवर्गायं लोकायाग्निमंचिन्वता पुरुष इष्टंकामुपांदधात्पुरुष इष्टंकाम्। स इन्द्रौ ब्राह्मणो ब्रुवांण इष्टंकामुपांधत्ता एषा में चित्रा नामेतिं। ते सुंवर्गं लोकमा प्रारोहन्। स इन्द्र इष्टंकामावृंहत्। तेऽवांकीर्यन्त। येऽवाकींर्यन्त। त ऊर्णावभंयोऽभवन्। द्वावुदंपतताम्॥१०॥

तौ दिव्यौ श्वानांवभवताम्। यो भ्रातृंव्यवान्तस्यात्। स चित्रायांमग्निमादंधीत। अवकीर्येव भ्रातृंव्यान्। ओजो बलंमिन्द्रियं वीर्यमात्मन्धंत्ते। वसन्तौ ब्राह्मणौऽग्निमादंधीत। वसन्तो व ब्रौह्मणस्युर्तुः। स्व एवैनंमृतावाधायं। ब्रह्मवर्चसी भंवति। मुखं वा एतदंतूनाम्॥११॥

यद्वंसन्तः। यो वसन्ताऽग्निमांधत्ते। मुख्यं एव भवति। अथो योनिमन्तमेवैनं प्रजातमाधित्ते। ग्रीष्मे राजन्यं आदंधीत। ग्रीष्मो वै राजन्यंस्यर्तुः। स्व एवैनमृतावाधायं। इन्द्रियावी भंवति। शरदि वैश्य आदंधीत। शरद्वे वैश्यंस्यर्तुः॥१२॥

स्व पुवैनंमृतावाधायं। पृशुमान्भंवति। न पूर्वयोः फल्गुन्योरग्निमादंधीत। एषा वै जंघन्यां रात्रिः संवत्सरस्यं। यत्पूर्वे फल्गुंनी। पृष्टित एव संवत्सरस्याग्निमाधायं। पापीयान्भवति। उत्तरयोरा दंधीत। एषा वै प्रंथमा रात्रिः संवत्सरस्यं। यदुत्तरे फल्गुंनी। मुख्त एव संवत्सरस्याग्निमाधायं। वसीयान्भवति। अथो खलुं। यदैवेनं यज्ञ उंपनमेंत्। अथादंधीत। सैवास्यर्द्धिः॥१३॥

खल्वांधित्सन्त फल्गुंन्योर्ग्निमादंधीतासन्नपततामृतूनां वैश्यंस्युर्तुरुत्तंरे फल्गुंनी षद्वं॥२॥———[२]

उद्धंन्ति। यदेवास्यां अमेध्यम्। तदपंहन्ति। अपोऽवौक्षति शान्त्यै। सिकंता निवंपति। एतद्वा अग्नेर्वैश्वानरस्यं रूपम्।

रूपेणैव वैश्वान्रमवंरुन्धे। ऊषां निवंपति। पुष्टिर्वा एषा प्रजननम्। यदूषाः ॥१४॥

पुष्टामिव प्रजनेनेऽग्निमाधेत्ते। अथो संज्ञाने एव। संज्ञान् हुं ह्येतत्पंशूनाम्। यदूषाः। द्यावांपृथिवी सहास्ताम्। ते वियती अंब्रूताम्। अस्त्वेव नौं सह यज्ञियमितिं। यद्मुष्यां यज्ञियमासींत्। तद्स्यामंदधात्। त ऊषां अभवन्॥१५॥

यद्स्या यज्ञियमासींत्। तद्मुष्यांमद्धात्। तद्दश्चन्द्रमंसि कृष्णम्। ऊषांन्निवपंन्नदो ध्यांयेत्। द्यावांपृथिव्योरेव यज्ञियेऽग्निमाधंत्ते। अग्निर्देवेभ्यो निलायत। आखू रूपं कृत्वा। स पृथिवीं प्राविंशत्। स ऊतीः कुर्वाणः पृथिवीमनु समंचरत्। तदांखुकरीषमंभवत्॥१६॥

यदांखुकरीष संभारो भवंति। यदेवास्य तत्र न्यंक्तम्। तदेवावंरुन्थे। ऊर्जं वा एत रसं पृथिव्या उंपदीका उद्दिंहन्ति। यद्वल्मीकम्। यद्वल्मीकव्पा संभारो भवंति। ऊर्जमेव रसं पृथिव्या अवंरुन्थे। अथो श्रोत्रंमेव। श्रोत्रः ह्येतत्पृंथिव्याः। यद्वल्मीकः॥१७॥

अबंधिरो भवति। य एवं वेदं। प्रजापंतिः प्रजा अंसृजत। तासामत्रमुपाकष्कीयत। ताभ्यः सूदमुपप्राभिनत्। ततो वै तासामत्रं नाक्षीयत। यस्य सूदंः सम्भारो भवंति। नास्यं गृहेऽत्रं क्षीयते। आपो वा इदमग्रं सिल्लमांसीत्। तेनं प्रजापंतिरश्राम्यत्॥१८॥

कथिमद इस्यादिति। सोऽपश्यत्पुष्करपूर्णं तिष्ठंत्। सोऽमन्यत। अस्ति वै तत्। यस्मिन्निदमिष् तिष्ठतीति। स वेराहो रूपं कृत्वोप न्यमञ्जत्। स पृथिवीम्ध और्च्छत्। तस्यां उपहत्योदंमञ्जत्। तत्पुष्करपूर्णेऽप्रथयत्। यदप्रथयत्॥१९॥

तत्पृंथिव्यै पृंथिवित्वम्। अभूद्वा इदिमितिं। तद्भूम्यै भूमित्वम्। तां दिशोऽनु वातः समंवहत्। ता शर्कराभिरद्द हत्। शं वै नोंऽभूदितिं। तच्छर्कराणा शर्कर्त्वम्। यद्वराहविंहत श् सम्भारो भवंति। अस्यामेवार्छम्बद्वारमग्निमार्धत्ते। शर्करा भवन्ति धृत्यै॥२०॥

अथो शंत्वाये। सरेता अग्निर्धिय इत्यांहुः। आपो वर्रणस्य पत्नेय आसन्। ता अग्निर्भ्यध्यायत्। ताः समंभवत्। तस्य रेतः परांऽपतत्। तिद्धरेण्यमभवत्। यिद्धरेण्यमुपास्यंति। सरेतसमेवाग्निमाधंत्ते। पुरुष इन्ने स्वाद्रेतंसो बीभत्सत् इत्यांहुः॥२१॥

उत्तर्त उपाँस्यत्यबींभत्सायै। अति प्रयंच्छति। आर्तिंमेवाति प्रयंच्छति। अग्निर्देवेभ्यो निलायत। अश्वो रूपं कृत्वा। सौंऽश्वत्थे संवत्स्रमंतिष्ठत्। तदंश्वत्थस्यांश्वत्थत्वम्। यदाश्वत्थः सम्भारो भवंति। यदेवास्य तत्र न्यंक्तम्। तदेवावंरुन्थे॥२२॥

देवा वा ऊर्जं व्यंभजन्त। ततं उदुम्बर् उदंतिष्ठत्। ऊर्ग्वा उदुम्बरः। यदौदुम्बरः सम्भारो भवंति। ऊर्जम्वावंरुन्थे। तृतीयंस्यामितो दिवि सोमं आसीत्। तं गांयुत्र्याऽहंरत्। तस्यं पूर्णमंच्छिद्यत। तत्पूर्णोऽभवत्। तत्पर्णस्यं पर्णत्वम्॥२३॥

यस्यं पर्णमयंः सम्भारो भवंति। सोमपीथमेवावंरुन्थे। देवा वै ब्रह्मंत्रवदन्ता तत्पूर्ण उपाश्रणोत्। सुश्रवा वै नामं। यत्पंर्णमयंः सम्भारो भवंति। ब्रह्मवर्चसमेवावं रुन्थे। प्रजापंतिर्श्निमंसृजता सोऽबिभेत्रा मां धक्ष्यतीतिं। त॰ शम्यांऽशमयत्॥२४॥

तच्छुम्यैं शमित्वम्। यच्छंमीमयः सम्भारो भवंति। शान्त्या अप्रदाहाय। अग्नेः सृष्टस्यं यतः। विकंङ्कतं भा आंच्छंत्। यद्वैकंङ्कतः सम्भारो भवंति। भा एवावं रुन्थे। सहंदयोऽग्निराधेय इत्यांहुः। मुरुतोऽद्भिरग्निमंतमयन्। तस्यं तान्तस्य हदंयमाच्छिंन्दन्। साऽशनिरभवत्। यद्शनिहतस्य वृक्षस्यं सम्भारो भवंति। सहंदयमेवाग्निमा धंत्ते॥२५॥

ऊर्पा अभवन्नभवद्वल्मीकोंऽश्राम्युदप्रंथयुद्धृत्यैं बीभत्सत् इत्यांहू रुन्धे पर्णृत्वमंशमयदच्छिन्दुङ् स्नीणि

द्वादशस्ं विकामेष्वग्निमा दंधीत। द्वादंश् मासाः संवत्सरः। संवत्सरादेवैनंमवरुद्धा धंत्ते। यद्वादशस्ं विकामेष्वा दधीत।

परिमितमवं रुन्धीत। चक्षुंर्निमित आदंधीत। इयद्वादंश विक्रामा (३) इतिं। परिमितं चैवापिरिमितं चार्वं रुन्धे। अनृंतं वै वाचा वंदति। अनृंतं मनंसा ध्यायति॥२६॥ चक्षुर्वे सत्यम्। अद्रा(३)गित्यांह। अदंर्शमितिं। तत्सत्यम्। यश्चक्षुंर्निमितेऽग्निमांधत्ते। सत्य एवैनमा धंत्ते। तस्मादाहिताभिर्नानृतं वदेत्। नास्यं ब्राह्मणोऽनांश्वान्गृहे वंसेत्। सत्ये ह्यंस्याग्निराहितः। आग्नेयी वै रात्रिः॥२७॥ आुग्नेयाः पृशवंः। ऐन्द्रमहंः। नक्तं गार्हंपत्यमा दंधाति। पशूनेवावं रुन्धे। दिवांऽऽहवनीयम्। इन्द्रियमेवावं रुन्धे। अर्थोदिते सूर्य आहवनीयमा दंधाति। एतस्मिन्वै लोके प्रजापंतिः प्रजा अंसृजत। प्रजा एव तद्यजंमानः सृजते। अथों भूतं चैव भंविष्यचावं रुन्धे॥२८॥

इडा वै मान्वी यंज्ञानूकाशिन्यांसीत्। साऽशृंणोत्। असुंरा अग्निमादंधत् इतिं। तदंगच्छत्। त आंहवनीयमग्र आदंधत। अथ् गार्हंपत्यम्। अथान्वाहार्यपचनम्। साऽब्रंवीत्। प्रतीच्येषा्ड् श्रीरंगात्। भुद्रा भूत्वा परां भविष्यन्तीतिं॥२९॥

यस्यैवम्ग्निरांधीयतें। प्रतीच्यंस्य श्रीरंति। भुद्रो भूत्वा परांभवति। साऽश्वंणोत्। देवा अग्निमादंधत् इतिं। तदंगच्छत्। तेंऽन्वाहार्यपचंनमग्र आदंधत। अथ् गार्हंपत्यम्। अथांहवनीयम्ं। साऽब्रंवीत्॥३०॥

प्राच्येषा हु श्रीरंगात्। भृद्रा भृत्वा सुंवर्गं ह्योक में ष्यन्ति। प्रजां तु न वेंत्स्यन्त इति। यस्यैवमृग्निरांधीयतें। प्राच्यंस्य श्रीरंति। भृद्रो भूत्वा सुंवर्गं लोक मेंति। प्रजां तु न विन्दते। साऽ ब्रंवीदिडा मनुम्। तथा वा अहं तवा ग्रिमाधां स्यामि। यथा प्र प्रजयां पृश्विमिथुनै जें निष्यसें॥ ३१॥

प्रत्यस्मिल्लोंके स्थास्यसिं। अभि सुंवर्गं लोकं जेष्यसीतिं। गार्हंपत्यमग्र आदंधात्। गार्हंपत्यं वा अनुं प्रजाः पृशवः प्रजांयन्ते। गार्हंपत्येनैवास्मैं प्रजां पृशून्प्राजनयत्। अथान्वाहार्यपर्चनम्। तिर्यिङ्किंव वा अयं लोकः। अस्मिन्नैव तेनं लोके प्रत्यंतिष्ठत्। अथाहवनीयम्। तेनैव सुंवर्गं लोकम्भ्यंजयत्॥३२॥ यस्यैवमग्निराधीयतें। प्र प्रजयां पृशुभिर्मिथुनैर्जायते। प्रत्यस्मिल्लाँके तिष्ठति। अभि सुवर्गं लोकं जीयति। यस्य वा अयंथादेवतमग्निरांधीयतें। आ देवतांभ्यो वृथ्यते। पापीयान्भवति। यस्यं यथादेवतम्। न देवताभ्य आवृंश्यते। वसीयान्भवति॥३३॥ भृगूंणां त्वाऽङ्गिरसां व्रतपते व्रतेनादंधामीतिं भृग्वङ्गिरसामादंध्यात्। आदित्यानां त्वा देवानां व्रतपते व्रतेनादंधामीत्यन्यासां ब्राह्मंणीनां प्रजानांम्। वरुंणस्य त्वा राज्ञों व्रतपते व्रतेनादंधामीति राज्ञः। इन्द्रंस्य त्वेन्द्रियेणं व्रतपते व्रतेनादंधामीति राजन्यंस्य। मनोंस्त्वा ग्रामण्यों व्रतपते व्रतेनादंधामिति वैश्यंस्य। ऋभूणां त्वां देवानां व्रतपते व्रतेनादंधामीतिं रथकारस्यं। यथादेवतमग्निराधीयते। न देवताम्य आवृध्यते। वसीयान्भवति॥३४॥

प्यायति वे रात्रिश्चावंकर्य भविष्य्नतीत्यंब्रवीज्ञनिष्यसंऽजयद्वसीयासवित नवं चाहा [8] प्रजापितर्वाचः सृत्यमंपश्यत्। तेनाग्निमाधंत्त। तेन् वै स आर्ध्नोत्। भूर्भुवः सुव्रित्याह। पृतद्वे वाचः सृत्यम्। य एतेनाग्निमांधत्ते। ऋध्नोत्येव। अथो सत्यप्रांशूरेव भंवति। अथो य एवं विद्वानंभिचरंति। स्तृणुत एवैनम्॥३५॥

भूरित्यांह। प्रजा एव तद्यजंमानः सृजते। भुव इत्यांह। अस्मिन्नेव लोके प्रतितिष्ठति। सुव्रित्यांह। सुव्र्ग एव लोके प्रतितिष्ठति। त्रिभिरक्षरैर्गार्हंपत्यमा दंधाति। त्रयं इमे लोकाः। एष्वेंवैनं लोकेषु प्रतिष्ठित्माधंत्ते। सर्वैः पश्चभिराहवनीयम्॥३६॥

सुवर्गाय वा एष लोकायाधीयते। यदांहवनीयः। सुवर्ग एवास्मै लोके वाचः सत्य सर्वमाप्नोति। त्रिभिर्गार्हंपत्यमा दंधाति। पश्चभिराहवनीयम्। अष्टौ संपंद्यन्ते। अष्टाक्षंरा गायत्री। गायत्रौंऽग्निः। यावांनेवाग्निः। तमाधंत्ते॥३७॥

प्रजापंतिः प्रजा अंसृजत। ता अंस्मात्सृष्टाः परांचीरायन्। ताभ्यो ज्योतिरुदंगृह्णात्। तं ज्योतिः पश्यंन्तीः प्रजा अभि समावंर्तन्त। उपरीवाग्निमुद्गृह्णीयादुद्धरन्ं। ज्योतिरेव पश्यंन्तीः प्रजा यजंमानमभि समावंर्तन्ते। प्रजापंतेरक्ष्यंश्वयत्। तत्परांऽपतत्। तदश्वोंऽभवत्। तदश्वंस्याश्वत्वम्॥३८॥

पुष वै प्रजापंतिः। यद्ग्निः। प्राजापत्योऽश्वंः। यदश्वं पुरस्तान्नयंति। स्वमेव चक्षुः पश्यंन्प्रजापंतिरनूदेंति। वृज्जी वा पुषः। यदश्वंः। यदश्वं पुरस्तान्नयंति। जातानेव भ्रातृंव्यान्प्रणुंदते। पुन्रा वंर्तयति॥३९॥

ज्िन्ष्यमाणानेव प्रतिनुदते। न्यांहवनीयो गार्हंपत्य-मकामयत। निगार्हंपत्य आहवनीयम्। तौ विभाजं नाशंक्रोत्। सोऽश्वंः पूर्ववाङ्गत्वा। प्राञ्चं पूर्वमुदंवहत्। तत्पूर्ववाहंः पूर्ववाद्मम्। यदश्वं पुरस्तान्नयंति। विभक्तिरेवैनंयोः सा। अथो नानांवीयांवेवैनौं कुरुते॥४०॥

यदुपर्युपरि शिरो हरैत्। प्राणान्विच्छिन्द्यात्। अधोऽधः शिरो हरति। प्राणानां गोपीथायं। इयत्यग्रें हरति। अथेयत्यथेयंति। त्रयं इमे लोकाः। एष्वेंवैनं लोकेषु प्रतिष्ठित्माधंत्ते। प्रजापंतिरिग्नमंसृजत। सोऽबिभेत्प्र मां

धक्ष्यतीतिं॥४१॥

तस्यं त्रेधा मंहिमानं व्यौहत्। शान्त्या अप्रदाहाय। यत्रेधाऽग्निराधीयतें। महिमानंमेवास्य तद्यूहित। शान्त्या अप्रदाहाय। पुन्रा वर्तयति। महिमानंमेवास्य संदेधाति। पशुर्वा एषः। यदर्श्वः। एष रुद्रः॥४२॥

यद्गिः। यदश्वंस्य प्रदेंऽग्निमांद्घ्यात्। रुद्रायं प्रशूनिपंदघ्यात्। अपृशुर्यजंमानः स्यात्। यन्नाकृमयेंत्। अनंवरुद्धा अस्य पृशवंः स्युः। पार्श्वत आक्रंमयेत्। यथाऽऽहितस्याग्नेरङ्गारा अभ्यव्वर्तेरन्। अवंरुद्धा अस्य पृशवो भवंन्ति। न रुद्रायापिंदधाति॥४३॥

त्रीणि ह्वी १ षि निर्वपति। विराजं एव विक्रांन्तं यजंमानोऽनु विक्रंमते। अग्नये पवंमानाय। अग्नये पावकायं। अग्नये शुचये। यद्ग्रये पवंमानाय निर्वपति। पुनात्येवैनम्। यद्ग्रये पावकायं। पूत एवास्मिन्नन्नाद्यं दधाति। यद्ग्रये शुचये। ब्रह्मवर्चसमेवास्मिन्नुपरिष्टाद्दधाति॥४४॥ प्रमाह्न्तीयं धनेऽश्वलं वंतियति कुरुत् इति रुद्रो दंधति युद्मये श्वंय एकं चापाळ्टि [५] देवासुराः संयंत्ता आसन्। ते देवा विजयमुंप्यन्तंः। अग्नौ वामं वसु सं न्यंदधत। इदम् नो भिवष्यति। यदि नो जेष्यन्तीति। तद्ग्निर्नोत्सहंमशक्नोत्। तत् त्रेधा विन्यंदधात्। पृशुषु तृतीयम्। अप्सु तृतीयम्। आदित्ये तृतीयम्॥४५॥ तद्देवा विजित्यं। पुन्रवांरुरुत्सन्त। तैंऽग्नये पवंमानाय पुरोडाशंमृष्टाकंपालं निरंवपन्। पृशवो वा अग्निः पवंमानः। यदेव पृशुष्वासीत्। तत्तेनावांरुन्थत। तैंऽग्नये पावकायं। आपो वा अग्निः पावकः। यदेवाप्स्वासीत्। तत्तेनावांरुन्थत॥४६॥ तत्तेनावांरुन्थत॥४६॥

तैंऽग्नये शुचंये। असौ वा आंदित्योंऽग्निः शुचिः। यदेवादित्य आसींत्। तत्तेनावांरुन्थत। ब्रह्मवादिनों वदन्ति। तनुवो वावैता अंग्र्याधेयंस्य। आग्नेयो वा अष्टाकंपालोऽग्र्याधेयमितिं। यत्तन्निर्वपेंत्। नैतानिं। यथाऽऽत्मा स्यात्॥४७॥

नाङ्गानि। ताहगेव तत्। यदेतानि निर्वपेत। न तम्।

यथाऽङ्गांनि स्युः। नात्मा। ताहगेव तत्। उभयांनि सह निरुप्यांणि। यज्ञस्यं सात्मत्वायं। उभयं वा एतस्यैन्द्रियं वीर्यमाप्यते॥४८॥

यों ऽग्निमांधत्ते। ऐन्द्राग्नमेकांदशकपालमनु निर्वपेत्। आदित्यं चरुम्। इन्द्राग्नी वै देवानामयांतमायामानौ। ये एव देवते अयांतयाम्नी। ताभ्यांमेवास्मां इन्द्रियं वीर्यमवं रुन्थे। आदित्यो भंवति। इयं वा अदितिः। अस्यामेव प्रतितिष्ठति। धेन्वै वा एतद्रेतः॥४९॥

यदाज्यम्। अनुडुहंस्तण्डुलाः। मिथुनमेवावंरुन्धे। घृते भंवति। यज्ञस्यालूक्षान्तत्वाय। चृत्वारं आर्षेयाः प्राश्ञंन्ति। दिशामेव ज्योतिषि जुहोति। पृशवो वा एतानिं हुवी १षिं। एष रुद्रः। यद्ग्रिः॥५०॥

यत्सद्य पुतानि ह्वी १ षि निर्वपैत्। रुद्रायं पृशूनिपं दध्यात्। अपृशुर्यजेमानः स्यात्। यन्नानुं निर्वपेत्। अनंवरुद्धा अस्य पृशवंः स्युः। द्वादुशसु रात्रीष्वनु निर्वपेत्। सुंवत्सुरप्रतिमा वै द्वादंश रात्रंयः। संवृत्सरेणैवास्मै रुद्र शंमियत्वा। पृशूनवंरुन्धे। यदेकंमेकमेतानि हुवी १ विर्वपैत्॥ ५१॥

यथा त्रीण्यावपंनानि पूर्यंत्। तादक्तत्। न प्रजनंनमुच्छि १ षेत्। एकं निरुप्यं। उत्तरे समस्येत्। तृतीयंमेवास्में
लोकमुच्छि १ षति प्रजनंनाय। तं प्रजयां पृशुभिरनु
प्रजायते। अथों यृज्ञस्यैवैषाऽभिक्रांन्तिः। रथ्यकं
प्रवर्तयति। मृनुष्युर्थेनैव देवर्थं प्रत्यवंरोहति॥५२॥

ब्रह्मवादिनों वदन्ति। होत्व्यंमग्निहोत्राँ(३) न होत्व्या(३) मितिं। यद्यज्ञंषा जुहुयात्। अयंथापूर्वमाहुंती जुहुयात्। यत्न जुंहुयात्। अग्निः पर्गं भवेत्। तूष्णीमेव होत्व्यम्। यथापूर्वमाहुंती जुहोतिं। नाग्निः पर्गंभवति। अग्नीधं ददाति॥५३॥

अग्निम्ंखानेवर्त्नप्रींणाति। उपबर्हणं ददाति। रूपाणामवं-रुद्धे। अर्थं ब्रह्मणें। इन्द्रियमेवावंरुन्धे। धेनु होत्रें। आशिषं पुवावंरुन्धे। अनुङ्गाहंमध्वर्यवें। वह्निर्वा अनुङ्गान्। वहिरध्वर्युः॥५४॥

विह्निनेव विह्नं युज्ञस्यावंरुन्थे। मिथुनौ गावौं ददाति। मिथुनस्यावंरुद्धौ। वासों ददाति। सुर्वदेवृत्यंं वै वासंः। सर्वा एव देवताः प्रीणाति। आ द्वांद्शभ्यों ददाति। द्वादंश्मासाः संवत्स्रः। सुंवृत्स्र एव प्रतितिष्ठति। कामंमूर्धं देयम्। अपंरिमित्स्यावंरुद्धौ॥५५॥

आदित्ये तृतींयमृप्स्वासीृत्तत्तेनावांरुन्यत् स्यादांप्यते रेतोऽग्निरेकंमेकमेतानि हुवीःषि निर्वर्षेत्प्रत्यवंरोहित ददात्यध्वर्युर्देयमेकं च॥६॥

घर्मः शिर्स्तद्यम्गिः। संप्रियः पृशुभिभ्वत्। छुर्दिस्तोकाय् तनयाय यच्छ। वातः प्राणस्तद्यम्गिः। संप्रियः पृशुभिभ्वत्। स्वदितं तोकाय् तनयाय पितुं पंच। प्राचीमन् प्रदिशं प्रेहिं विद्वान्। अग्नेरंग्ने पुरो अग्निभवेह। विश्वा आशा दीद्यांनो विभाहि। ऊर्जं नो धेहि द्विपदे चतुंष्पदे॥५६॥ अर्कश्चक्षुस्तद्सौ सूर्यस्तद्यम्गिः। संप्रियः पृशुभिभ्वत्। यत्तं शुक्र शुक्रं वर्चः शुक्रा तनः। शुक्रं ज्योतिरजंस्रम्। तेनं मे दीदिहि तेन त्वाऽऽदंधे। अग्निनाँऽग्ने ब्रह्मंणा। आन्शे व्यानशे सर्वमायुर्व्यानशे। ये ते अग्ने शिवे तनुवौँ। विराई स्वराई। ते माविशतां ते मां जिन्वताम्॥५७॥

ये तें अग्ने शिवे तनुवौं। संराद्वांभिभूश्चं। ते माविंशतां ते मां जिन्वताम्। ये तें अग्ने शिवे तनुवौं। विभूश्चं परिभूश्चं। ते मा विंशतां ते मां जिन्वताम्। ये तें अग्ने शिवे तनुवौं। प्रभ्वी च प्रभूतिश्च। ते मा विंशतां ते मां जिन्वताम्। यास्तें अग्ने शिवास्तनुवंः। ताभिस्त्वाऽऽदंधे। यास्तें अग्ने घोरास्तनुवंः। ताभिरमुं गंच्छ॥५८॥

चतुंष्पदे जिन्वतां तुनुवृस्त्रीणिं च॥७॥_____[9]

इमे वा एते लोका अग्नयं। ते यदव्यांवृत्ता आधीयेरन्। शोचयेयुर्यजंमानम्। घर्मः शिर् इति गार्हंपत्यमा दंधाति। वातः प्राण इत्यंन्वाहार्यपचंनम्। अर्कश्चक्षुरित्यांहवनीयम्। तेनैवैनान्व्यावंतियति। तथा न शोचयन्ति यजंमानम्। रथन्तरम्भिगांयते गार्हंपत्य आधीयमांने। राथंन्तरो वा अयं लोकः॥५९॥

अस्मिन्नेवैनं लोके प्रतिष्ठितमा धंत्ते। वामदेव्यमभिगांयत उद्धियमाणे। अन्तरिक्षं वै वामदेव्यम्। अन्तरिक्ष एवैनं प्रतिष्ठितमार्धत्ते। अथो शान्तिर्वे वांमदेव्यम्। शान्तमेवैनं पशव्यंमुद्धंरते। बृहदभिगांयत आहवनीयं आधीयमाने। बार्हतो वा असौ लोकः। अमुर्पिन्नेवैनं लोके प्रतिष्ठितमाधंत्ते। प्रजापंतिरग्निमंसृजत॥६०॥ सोऽश्वोऽवारों भूत्वा परांङैत्। तं वारवन्तीयंनावारयत। तद्वांरवन्तीयंस्य वारवन्तीयत्वम्। श्यैतेनं श्येती अंकुरुत। तच्छौतस्यं श्यैतत्वम्। यद्वारवन्तीयंमभि गायंते। वारियत्वैवैनं प्रतिष्ठितमा धंत्ते। श्येतेनं श्येती कुंरुते। घर्मः शिर इति गार्हंपत्यमादंधाति। सशीर्षाणमेवैनमा र्धत्ते॥६१॥

उपैन्मुत्तंरो युज्ञो नंमित। रुद्रो वा पृषः। यद्ग्निः। स आंधीयमान ईश्वरो यजंमानस्य पृशून् हिश्सितोः। संप्रियः पृशुभिभुविदित्याह। पृशुभिरेवेनुश् संप्रियं करोति। पृशूनामहिश्सायै। छुर्दिस्तोकाय तनयाय युच्छेत्याह। आशिषंमेवैतामा शाँस्ते। वार्तः प्राण इत्यंन्वाहार्यपचंनम्॥६२॥

सप्राणमेवेनमा धंत्ते। स्वदितं तोकाय तनयाय पितुं प्रचेत्यांह। अन्नमेवास्मैं स्वदयति। प्राचीमन् प्रदिश्ं प्रेहिं विद्वानित्यांह। विभिक्तिरेवेनयोः सा। अथो नानांवीर्यावेवेनौं कुरुते। ऊर्जं नो धेहि द्विपदे चतुंष्पद इत्यांह। आशिषंमेवेतामा शांस्ते। अर्कश्चक्षुरित्यांहवनीयम्। अर्को व देवानामन्नम्॥६३॥

अन्नमेवावं रुन्धे। तेनं मे दीदिहीत्यांह। सिमंन्ध एवैनम्ं। आनुशे व्यानश् इति त्रिरुदिङ्गयित। त्रयं इमे लोकाः। एष्वेवैनं लोकेषु प्रतिष्ठितमा धंत्ते। तत्तथा न कार्यम्ं। वीङ्गित्तमप्रतिष्ठितमा दंधीत। उद्धृत्येवाधायांभिमन्नियंः। अवीङ्गितमेवैनं प्रतिष्ठितमाधंत्ते। विराद्वं स्वराद्व यास्ते अग्ने शिवास्तनुवस्ताभिस्त्वाऽऽदंध इत्यांह। एता वा अग्नेः शिवास्तनुवंः। ताभिरेवैन् सम्ध्यिति। यास्ते अग्ने घोरास्तनुवस्ताभिर्मं गुच्छेतिं ब्रूयाद्यं द्विष्यात्। ताभिरेवैनं

परांभावयति॥६४॥

लोकोंऽसृजतैनुमार्थत्तेऽन्वाहार्युपर्चनं देवानामन्नमेनुं प्रतिष्ठितुमार्थत्ते पश्चं च॥८॥————[८]

श्मीगर्भाद्गिं मंन्थति। एषा वा अग्नेर्यज्ञियां तृनूः। तामेवास्मे जनयति। अदितिः पुत्रकामा। साध्येभ्यो देवेभ्यौ ब्रह्मीदनमंपचत्। तस्यां उच्छेषंणमददुः। तत्प्राश्ञात्। सा रेतोंऽधत्त। तस्यै धाता चाँर्यमा चांजायेताम्। सा द्वितीयंमपचत्॥६५॥

तस्यां उच्छेषंणमददुः। तत्प्राश्जांत्। सा रेतोंऽधत्त। तस्यैं मित्रश्च वरुंणश्चाजायेताम्। सा तृतीयंमपचत्। तस्यां उच्छेषंणमददुः। तत्प्राश्जांत्। सा रेतोंऽधत्त। तस्या अश्शंश्च भगंश्चाजायेताम्। सा चंतुर्थमंपचत्॥६६॥

तस्यां उच्छेषंणमददुः। तत्प्राश्नांत्। सा रेतोंऽधत्त। तस्या इन्द्रंश्च विवंस्वाङ्श्चाजायेताम्। ब्रह्मौदुनं पंचति। रेतं एव तद्दंधाति। प्राश्नंन्ति ब्राह्मणा ओंदुनम्। यदाज्यंमुच्छिष्यंते। तेनं स्मिधोऽभ्यज्या दंधाति। उच्छेषंणाद्वा अदिती रेतोंऽधत्त॥६७॥ उच्छेषंणादेव तद्रेतों धत्ते। अस्थि वा एतत्। यत्स्मिधंः। एतद्रेतंः। यदाज्यम्। यदाज्यंन स्मिधोऽभ्यज्यादधांति। अस्थ्येव तद्रेतंसि दधाति। तिस्र आदंधाति मिथुन्त्वायं। इयंतीर्भवन्ति। प्रजापंतिना यज्ञमुखेन सम्मिताः॥६८॥

इयंतीर्भवन्ति। युज्ञपुरुषा सम्मिताः। इयंतीर्भवन्ति। एतावृद्वे पुरुषे वीर्यम्। वीर्यसंमिताः। आर्द्रा भवन्ति। आर्द्रमिव हि रेतः सिच्यते। चित्रियस्याश्वत्थस्यादंधाति। चित्रमेव भवति। घृतवंतीभिरा दंधाति॥६९॥

एतद्वा अग्नेः प्रियं धामं। यद्धृतम्। प्रियेणैवेनं धाम्रा समर्धयति। अथो तेजंसा। गायत्रीभिर्न्नाह्मणस्यादंध्यात्। गायत्रछंन्दा वे ब्राह्मणः। स्वस्य छन्दंसः प्रत्ययन्स्त्वायं। त्रिष्टुग्भी राजन्यंस्य। त्रिष्टुप्छंन्दा वे राजन्यः। स्वस्य छन्दंसः प्रत्ययनस्त्वायं॥७०॥

जगंतीभिवेंश्यंस्य। जगंतीछन्दा वै वैश्यंः। स्वस्य छन्दंसः प्रत्ययन्स्त्वायं। तः संवत्सरं गोपायेत्। संवत्सरः

हि रेतों हितं वर्धते। यद्यंनर संवत्स्रे नोपनमैंत्। स्मिधः पुन्रादंध्यात्। रेतं पुव तिद्धतं वर्धमानमेति। न मार्समंश्ञीयात्। न स्नियुमुपेयात्॥७१॥

यन्मा समेश्जीयात्। यत्स्रियंमुपेयात्। निर्वीर्यः स्यात्। नैनंमग्निरुपंनमेत्। श्व आधास्यमानो ब्रह्मौद्नं पंचति। आदित्या वा इत उत्तमाः सुंवर्गं लोकमायन्। ते वा इतो यन्तं प्रतिनुदन्ते। पृते खलु वावादित्याः। यद्ग्रौह्मणाः। तैरेव सन्त्वं गंच्छति॥७२॥

नैनं प्रतिनुदन्ते। ब्रह्मवादिनों वदन्ति। क्वां सः। अग्निः कार्यः। यौऽस्मै प्रजां प्शून्प्रंजनयतीतिं। शल्कैस्ता १रात्रिंमग्निमिन्धीत। तस्मिन्नुपव्युषम्रणी निष्टंपेत्। यथंर्ष्मायं वाशिता न्यांविच्छायतिं। ताद्दगेव तत्। अपोदृह्य भस्माग्निं मन्थति॥७३॥

सैव साऽग्नेः सन्तंतिः। तं मंथित्वा प्राश्चमुद्धंरति। संवृत्स्रमेव तद्रेतो हितं प्रजनयति। अनाहित्स्तस्याग्निरित्यांहुः। यः स्मिधोऽनांधायाग्निमांधृत्त इतिं। ताः संवत्स्रे पुरस्तादादंध्यात्। संवत्सरादेवेनंमव्रुध्याधंत्ते। यदिं संवत्सरेऽनाद्ध्यात्। द्वादृश्यां पुरस्तादादंध्यात्। संवत्सरप्रंतिमा व द्वादंश्य रात्रयः। संवत्सरमेवास्याहिता भवन्ति। यदिं द्वादृश्यां नाद्ध्यात्। त्र्यहे पुरस्तादादंध्यात्। आहिता एवास्यं भवन्ति॥७४॥

द्वितीयंमपचचतुर्थमंपचददिती रेतोंऽधत्त सम्मिता घृतवंतीभिरादंधाति राजुन्यः स्वस्य छन्दंसः प्रत्ययन्स्त्वार्येयाद्गच्छति मन्थित् रात्रंयश्चत्वारिं च॥९॥————[९]

प्रजापंतिः प्रजा अंसृजत। स रिंरिचानोंऽमन्यत। स तपोंऽतप्यत। स आत्मन्वीर्यमपश्यत्। तदंवर्धत। तदंस्मात्सहंसोर्ध्वमंसृज्यत। सा विराडंभवत्। तां देवासुरा व्यंगृह्णत। सोंऽब्रवीत्प्रजापंतिः। मम् वा पृषा॥७५॥

दोहां एव युष्माक् मितिं। सा ततः प्राच्युदंक्रामत्। तत्प्रजापंतिः पर्यगृह्णात्। अर्थर्व पितुं में गोपायेतिं। सा द्वितीयमुदंक्रामत्। तत्प्रजापंतिः पर्यगृह्णात्। नर्यं प्रजां में गोपायेति। सा तृतीयमुदंक्रामत्। तत्प्रजापंतिः पर्यगृह्णात्। शङ्स्यं पश्नमं गोपायेति॥७६॥

सा चंतुर्थमुदंक्रामत्। तत्प्रजापंतिः पर्यगृह्णात्। सप्रथ स्भां में गोपायेति। सा पंश्रममुदंक्रामत्। तत्प्रजापंतिः पर्यगृह्णात्। अहं बुध्निय मक्तंं मे गोपायेति। अग्नीन् वाव सा तान्व्यंक्रमत। तान्प्रजापंतिः पर्यगृह्णात्। अथों पृङ्किमेव। पृङ्किर्वा एषा ब्राह्मणे प्रविष्टा॥७७॥

तामात्मनोऽधि निर्मिमीते। यद्ग्निराधीयतें। तस्मदितावंन्तोऽग्नर् आधीयन्ते। पाङ्कं वा इद॰ सर्वम्ं। पाङ्केनैव पाङ्कः स्पृणोति। अर्थवं पितुं में गोपायेत्याह। अन्नमेवैतेनं स्पृणोति। नर्यं प्रजां में गोपायेत्याह। प्रजामेवेतेनं स्पृणोति। शङ्स्यं पृश्नमें गोपायेत्याह॥७८॥

पृश्नेवैतेनं स्पृणोति। सप्रंथ सुभां में गोपायेत्यांह। सुभामेवैतेनेंन्द्रियः स्पृणोति। अहं बुध्निय मर्त्रं मे गोपायेत्यांह। मर्त्रमेवैतेन श्रियः स्पृणोति। यदांन्वाहार्यपचंनेऽन्वाहार्यं पचंन्ति। तेन् सौंऽस्याभीष्टंः प्रीतः। यद्गार्हंपत्य आज्यंमधिश्रयंन्ति संपत्नींर्याजयंन्ति। तेन् सौंऽस्याभीष्टंः प्रीतः। यदांहवनीये जुह्वंति॥७९॥

तेन सोंऽस्याभीष्टंः प्रीतः। यत्सभायां विजयंन्ते। तेन् सोंऽस्याभीष्टंः प्रीतः। यदांवस्थेऽन्न्र्ं हरंन्ति। तेन् सोंऽस्याभीष्टंः प्रीतः। तथांऽस्य सर्वे प्रीता अभीष्टा आधींयन्ते। प्रवस्थमेष्यन्नेवसृपंतिष्ठेतैकंमेकम्। यथां ब्राह्मणायं गृहेवासिने परिदायं गृहानेतिं। तादृगेव तत्। पुनंरागत्योपंतिष्ठते। सा भांगेयमेवेषां तत्। सा ततं ऊर्ध्वारोहत्। सा रोहिण्यंभवत्। तद्रोहिण्ये रोहिणित्वम्। रोहिण्यामुग्निमादंधीत। स्व पुवैनं योनौ प्रतिष्ठितमाधंत्ते। ऋध्नोत्येनेन॥८०॥

पुषा पुशून्में गोपायेति प्रविष्टा पुशून्में गोपायेत्यांहु जुह्वंति तिष्टते सुप्त चं॥१०॥———[१०]

ब्रह्म संधंत्तं कृत्तिंकामूर्द्धन्ति द्वाद्शस्ं प्रजापंतिर्वाचो देवासुरास्तद्ग्निर्नेद्धर्मिश्शरं इमे वै शंमीगर्भात्प्रजापंतिः स रिरिचानः स तपः स आत्मन्वीर्यंदशं॥१०॥ प्रथमः प्रश्नः 29

ब्रह्म सन्धंतुं तौ दिव्यावथों शृंत्वाय प्राच्येषां यदुपर्युपरि यत्सद्यः सोऽश्वोऽवारों भूत्वा जर्गतीभिरशींतिः॥८०॥

ब्रह्म सन्धंत्तमृध्नोत्येंनेन॥

हरिः ओम्॥ ॥इति श्रीकृष्णयजुर्वेदीयतैत्तिरीयब्राह्मणे प्रथमाष्टके प्रथमः प्रपाठकः समाप्तः॥

This PDF was downloaded from http://stotrasamhita.github.io.

 ${\sf GitHub: http://stotrasamhita.github.io \mid http://github.com/stotrasamhita}$

Credits: http://stotrasamhita.github.io/about/